



XUNTA DE GALICIA

CONSELLERÍA DE PRESIDENCIA,

ADMINISTRACIÓNS PÚBLICAS

E XUSTIZA

Dirección Xeral de Relacións Parlamentarias

Pazo de Raxoi  
SANTIAGO DE COMPOSTELA

1

PARLAMENTO DE GALICIA	
REXISTRO XERAL ENTRADA	
Núm.: 10087	

CONSELLERÍA DE PRESIDENCIA,	
ADMINISTRACIÓNS PÚBLICAS E XUSTIZA	
DIRECCIÓN XERAL DE RELACIÓNIS PARLAMENTARIAS	
29 XUÑ. 2006	
SAÍDA	
Núm.....	2435

En relación coa pregunta con resposta escrita nº 7520, formulada polo Grupo Parlamentario Popular de Galicia, a iniciativa de D. Dámaso López Rodríguez, D. Miguel Angel Santalices Vieira e Dª. María Luisa Valladares Rodríguez, sobre “**as previsións da Consellería de Sanidade respecto da redución de camas hospitalarias durante os meses de verán nos hospitais galegos e a porcentaxe de substitucións de persoal na atención primaria**”, (publicada no BOPG nº 143, do 20 de maio de 2006), teño a honra de enviarlle, para así dar cumprimento ao previsto no artigo 157 do Regulamento do Parlamento de Galicia, a contestación formulada pola Consellería de Sanidade, que ten o seguinte contido:

“Efectivamente, tense prevista unha planificación do número de camas durante a época estival, froito dos menores índices de ocupación hospitalaria que, historicamente, acontecen durante esa época. Índices que veñen dados por una redución estacional das patoloxías (gripe, virase, etc..) e da correlativa redución dos ingresos por enfermidades que, provocan a hospitalización de numerosos enfermos crónicos durante o inverno.

Esta coidada planificación realizase conjuntamente coa valoración dos recursos humáns dispoñibles, pois, coma ocorre en calquera ámbito profesional ou laboral, o período estival é o máis demandado polo persoal para o disfrute das súas vacacións regulamentarias, engadíndose a isto as dificultades que se atopan nestas épocas para proceder á substitución de especialistas (cirurxiáns, anestesistas, neurocirurxiáns et..) por outros en paro, dada a escaseza que hai no mercado laboral.



A decisión sobre o alcance maior ou menor desta programación, tómase, tendo presente en todo momento, o cumprimento do deber imprescindible que temos, coma responsables da sanidade pública galega, de garantir en todo intre a seguridade e a calidade asistencial dos pacientes, de xeito que as camas poderían ser activadas en calquera intre, caso de seren necesarias.

O Sergas, aproveita o descenso de ocupación para realizar obras de reforma e mantemento nas instalacións dos hospitais, coa intención de que redunden nun mellor confort para os pacientes e as súas familias, así como na mellora das condicións de traballo do persoal.

No verán do 2006, está previsto pechar 532 camas, é dicir 104 camas menos que no verán do 2005, o que suporá o 7,4% sobre o total de camas funcionantes; mentras que no verán do 2005 se pecharon 636 camas, é dicir o 8.91% das camas funcionantes.

Unha información máis polo miúdo, podese ver nos cadros que se achegan como anexo á presente resposta, nos que está reflectido o emprego das camas segundo os Hospitais e Fundacións por previsións quincenais, nos citados anos 2005 e 2006. Reflítense tamén, as porcentaxes que este emprego supón respecto das camas realmente funcionantes, en ámbolos dous anos, e as diferenzas tanto na media bruta de camas coma a porcentaxe que supón esta diferenza respecto do ano anterior.

Consideramos que no caso das substitucións de persoal en atención primaria durante o período estival, non se debería aplicar unha porcentaxe fixa de substitucións por provincias nin por categorías profesionais. As substitucións deben de ser programadas priorizando as localidades nas que se espera un aumento de poboación no citado período.



XUNTA DE GALICIA

CONSELLERÍA DE PRESIDENCIA,

ADMINISTRACIÓNS PÚBLICAS

E XUSTIZA

Dirección Xeral de Relacións Parlamentarias

Pazo de Raxoi  
SANTIAGO DE COMPOSTELA

3

Tendo en conta a escaseza de posibles substitutos en determinadas categorías profesionais (médicos, pediatras....) dende a División de Asistencia Sanitaria, ao igual que nos derradeiros anos, transmítense instrucións as Xerencias de Atención Primaria no sentido de que sexan elles, como coñecedoras do aumento ou diminución de demanda previsto en cada localidade e da realidade de substitutos na súa Área, os que planifiquen a necesidade ou non de substitución de profesionais."

O que lle remito para o seu coñecemento e inserción no Boletín Oficial do Parlamento de Galicia, de acordo co previsto no artigo 65 e concordantes do Regulamento vixente.

Santiago de Compostela, 29 de xuño de 2006

O director xeral de Relacións Parlamentarias,

Manuel Guillermo Varela Flores.

Excma. Sra. Presidenta do Parlamento de Galicia.



XUNTA DE GALICIA

CONSELLERÍA DE PRESIDENCIA,

ADMINISTRACIÓNS PÚBLICAS

E XUSTIZA

Dirección Xeral de Relacións Parlamentarias

Pazo de Raxoi  
SANTIAGO DE COMPOSTELA

# Anexo